

Ленинэнь киява

ВЛКСМ-нь Мокшэрзянь обкомонтъ ды Саранскоень ошонь комитетэнтъ газетаст

ИЮНЕНЬ
29 чи,
1937 ие
№ 73 (747)
ЛКСМ: 7-до но
чи нь ютась

Ине изнявксонь торжества

Пелеве енксонь экспедициясь, кона анокстазель ине Сталинэнь руководстванзо коряс, прядовсь. Полюсонть завоевательне, эсист правтост „энь комиссаронтъ“ академикентъ О. Ю. Шмидт ды Советской Союзонь героентъ М. В. Водопьянов марто, мекев састь эсь родинантень, Московов.

Ине триумф марто вастынзе якстере столицась Арктиканть центрантень героической походонть участиктнэнь. Вастомась теевкшнесь народной торжествакс.


Полюсонь геройтне састь пек стака походсто, састь „живстэ ды жив самолетнэсэ“, кода мерсь О. Ю. Шмидт. Водопьянов а стяко ледстизе, зяро ломанень жертват сайнесь Арктиканть изнямось. Зяро экспедицият, зяро отважной исследователть яксесть энь пустынят-вес! Ды весе сынест тейневкшнесть покш жертват. Ломантне эсист эрмяст пугылизь Полярной ссейнанть тайнатнес молеме артоманть кис. Ды ансяк советской экспедициясь, кона добувась сех покш результат, изнизе полкш, ютась кодамояк емавкс-

Пелеве ено полюсось карми лужамо человечествантень! Полюсось содась, кинень покори. Сон дамо пингень перть учо минек эйсэ, советской ломань эсь эйсэ! — Мерсь О. Ю. Шмидт. Неть валтнэс покш смысла. Зярдю народонть вийтне менстязь эксплуатациять эйсэ, сьль сех покш энергия марто нолдыть природанть каршо бороцяма. Ды природанть каршо бороцяма онть сех покш изнявкстнэнь тизе самай оляс менстязь советской народось. Полюсонь твердынянь санзь большевиктнэ, секшто арасть истят крепостть, конатнень большевиктнэ не могли бу саемс. Полюсонть изнямось панжсь ки полюсонть трокс, конань карми улемэ пек покш ролезь человечестванть икеле-пелень историясонзо.

Вана мекс истя пек келей минек законной торжестванок. Те — науканть торжества; природань смелой исследовательтнэнь — минек полярниктнэнь, конат кадовсть дрейфующей станцияс, торжества; техниканть торжества, конань (техниканть) минек народось кепедизе пек сэрестэ; техниканть парсте содыця минек летчиктнэнь торжества, советской обществанть торжества; большевизмань науканть торжества; сьть ломантнэнь торжества, конань кастынзе минек масторось, воспитал Ленинэнь-Сталинэнь партиясь.

Минек партиясь народонть эйсэ воспитывал ды воспитывает целень чаркодема, характерэнь кемечи, стакатнэнь изнямонть бажамо ды изнямонть кемема. Ды сех стака, сех отважной тевтнес народось выдвигает эсинзэ сех вадря чератнэнь. Подвигтнэнь сынст эйсэ вдохновляет минек партиясь, минек ине Сталин, весе минек народось.

Пелеве ено полюсонть изниятне советской правительстванть вельде ней получать достойной казне.



Советской Союзонь героитне ШМИДТ, ПАПАНИН, МОЛОКОВ ялгатне

Пелеве ено полюсов экспедициянтъ участиктнэнь каземадо

СССР-нь Центральной Исполнительной Комитетэнтъ путовксозо

СССР-нь Центральной Исполнительной Комитетэсь пугы:

Правительстванть заданиянзо образцовоест топантоманть ды героизманть кис каземс Пелеве ено экспедициянь участиктнэнь, кона (экспедициясь) пачкодсь Пелеве ено полюсов ды тейсь полярной станция дрейфующей эй лангс полюсонть малас:

СОВЕТСКОЙ СОЮЗОНЬ ГЕРОЕНЬ ЛЕМСЭ, Ленинэнь орденэнь максома марто:

1. Шмидтэнь О. Ю. — экспедициянь начальникенть.
2. Спириэнь И. Т. — майоронтъ, экспедициянь флаг-штурманонтъ.
3. Шевелевонь М. И. — экспедициянь начальникень заместителенть.
4. Папанинэнь И. Д. — „Пелеве ено полюс“ станциянь начальникенть.
5. Алексеевонь А. Д. — „Н-172“ самолетонь командирэнтъ.
6. Мазуруков И. П. — „Н-169“ самолетонть командирэнтъ.
7. Головинэнь П. Г. — „Н-166“ самолетонть командирэнтъ.
8. Бабушкинэнь М. С. — „Н-170“ самолетонть пилотонтъ.

ЛЕНИНЭНЬ ОМБОЦЕ ОРДЕНСЭ:

1. Водопьяновонь М. В. — Советской Союзонь героентъ, отрядонь ды „Н-170“ самолетонть командирэнтъ.
2. Молоковонь В. С. — Советской Союзонь героентъ, „Н-171“ самолетонть командирэнтъ.

ЛЕНИНЭНЬ ОРДЕНСЭ:

1. Козловонь М. И. — „Н-169“ самолетонть омбоце пилотонтъ.
2. Орловонь Г. К. — „Н-171“ самолетонть омбоце пилотонтъ.
3. Мошковскоень Я. Д. — капитанонтъ, „Н-172“ самолетонть омбоце пилотонтъ.
4. Догмаровонь А. А. — экспедициянь партторговть.
5. Кренкелень Э. Т. — „Пелеве ено полюс“ станциянь радистэнтъ.
6. Ширшовонь П. П. — „Пелеве ено полюс“ станциянь научной сотрудиенть.
7. Федоровонь Е. К. — „Пелеве ено полюс“ станциянь научной сотрудиенть.

8. Ритсландонь А. А. — „Н-171“ самолетонть штурманонтъ.
9. Жуковонь Н. М. — „Н-172“ самолетонть штурманонтъ.
10. Бассейнэнь Ф. И. — „Н-170“ самолетонть васень бортмеханикенть.
11. Сугробовонь К. Н. — „Н-172“ самолетонть васень бортмеханикенть.
12. Ивашинэнь В. Л. — „Н-171“ самолетонть васень бортмеханикенть.
13. Кекушевонь Н. Л. — „Н-166“ самолетонть васень бортмеханикенть.
14. Шекуровонь Д. П. — васенце рангонь воентехникенть, „Н-169“ самолетонть васень бортмеханикенть.
15. Стромилловонь Н. Н. — „Н-171“, „Н-166“ ды „Н-169“ самолеттнэнь радиотехникенть ды бортрадистэнтъ.
16. Ивановонь С. А. — „Н-170“ самолетонть бортрадистэнтъ.

КРАСНОЙ ЗВЕЗДАНЬ ОРДЕНСЭ

1. Крузень Л. Г. — „Н-128“ разведывательной самолетонть командирэнтъ.
2. Дзержеевскоень Б. Л. — экспедициянь синоптикенть.
3. Морозовонь К. И. — „Н-170“ самолетонть омбоце бортмеханикенть, экспедициясонть 24-це № заводонь представителенть.
4. Петенинэнь П. П. — васенце рангонь военнотехникенть, „Н-170“ самолетонть омбоце бортмеханикенть.
5. Гутовскоень В. Н. — экспедициянь инженерэнтъ.
6. Шмандинэнь И. Д. — „Н-172“ самолетонть омбоце бортмеханикенть.
7. Фрутецкоень С. К. — „Н-171“ самолетонть омбоце бортмеханикенть.
8. Терентьевонь В. Д. — „Н-166“ самолетонть омбоце бортмеханикенть.
9. Тимофеевонь Д. А. — „Н-169“ самолетонть омбоце бортмеханикенть.
10. Гинкинэнь В. Г. — васенце рангонь военнотехникенть, „Н-172“ самолетонть омбоце бортмеханикенть.

11. Аккуратовонь В. И. — „Н-169“ самолетонть штурманонтъ.
12. Волковонь А. С. — лейтенантонть, „Н-166“ самолетонть штурманонтъ.
13. Трояновскоень М. А. — экспедициянь кинооператоронтъ.

ТРУДОВОЙ КРАСНОЙ ЗНАМЯНЬ ОРДЕНСЭ

1. Рубинштейнэнь Л. М. — „Н-128“ разведывательной самолетонть штурманонтъ радистэнтъ.
2. Кистановонь И. Г. — техникенть, „Авиаприбор“ заводонь представителенть.
3. Брезинэнь Я. — „Н-128“ разведывательной самолетонть механикенть.
4. Радоминовонь Е. Г. — колмоце рангонь военинженерэнтъ.
5. Бронтоманонь Л. К. — „Правда“ газетань спец. корреспондентэнтъ.
6. Виленскоень Э. С. — „Известия“ газетань спец. корреспондентэнтъ.

МАКСОМС ЯРМАКОНЬ КАЗНЕ:

- а) 25 тышат целковойть эрвантень — Водопьянов, Молоков, Шмидт, Спирин, Шевелев, Папанин, Алексеев, Мазурук, Головин ды Бабушкин ялгатненень.
- б) 15 тышат целковойть эрвантень — Козлов, Орлов, Мошковский, Догмаров, Кренкель, Ширшов, Федоров, Ритсланд, Жуков, Бассейн, Сугробов, Ивашин, Кекушев, Шекуров, Стромиллов ды Иванов ялгатненень.
- в) 10 тышат целковойть эрвантень — Крузе, Дзержеевский, Морозов, Петенин, Гутовский, Шмандин, Фруштецкий, Терентьев, Тимофеев, Гинкин, Аккуратов, Волков ды Трояновский ялгатненень.
- г) 5 тышат целковойть эрвантень — Рубинштейн, Кистанов, Брезин, Радоминов, Бронтоман ды Виленский ялгатненень.

СССР-нь Центральной Исполнительной Комитетэнь председателесь М. Калинин.
СССР-нь Центральной Исполнительной комитетэнь секретарес И. Акулов.
Москов, Кремля, 1937 иень июнень 27-це чи.



Пелеве ено полюсонть советской экспедициянь участникнэ, Советской Союзонь геройтне М. В. ВОДОПЬЯНОВ, М. С. БАБУШКИН, СПИРИН ялгатне ды «Н-170» кораблянь старшей механикесь Ф. И. БАССЕЙН ялгась.

СОВЕТСКОЙ НАРОДОСЬ ПРИВЕТСТВОВИ СССР-НЬ ОБОРОНАНТЬ КЕМЕКСТАМОНЬ ЗАЕМОНТЬ

Весе масторсонть молитъ покш митингт, конат алтазь СССР-нь оборонанть заемонть нолдамодо правительстванть решениятень. Весе вейкенъ пес предприятийнесэ, учреждениятнесэ, колхозтнесэ те решениясь вастозь покш мельсэ. Митингтнесэ кортамотне, робочейтненъ пек ламо сермаст кортыть седе, што СССР-нь оборонанть кемекстамонь заемонть советской народось васты пек покш мельсэ.

Кенярдозь вастызь заемонть нолдамодо решениянтъ Белоруссиянь трудицятне.

„Учотано заемонть нолдамонзо ды кенярдозь сермадстано лангзонзо,—кортыть Минской кондитерской фабриканъ робочейтне.— Минь бажатано, штобу самолетонь од эскадрильят, танканъ од колонват аравольть советской границатненъ ванстома“.

Ве мельсэ аштитъ Белоруссиянь робочейтне марто колхозниктнэяк. „Энялдтано правительстванть икеле седе курокук заемонть“—евтазь Смоленской райононъ „Большевик“ артеленъ колхозниктнэнь резолюциясост. Колхозниктнэ алтыть максомо государстван-

тень заем 2—3 недлянь эсь доходст.

— Эрва колхозникесь, эрва колхозницась рамить од заемонь облигацият,—мерсь Узбекистансо Калининской райононъ Куйбышев лемсэ артеленъ колхозниктнэнь порученияст коряс звеньевоесь Гаипов ялгась. Тень эйтэ кортыть республиканъ лият колхозонъ ламо кементъ митингтнесэяк.

Покш митингт ульнестъ Калинин ошонъ предприятиянесэ. Калининской вагонной заводонъ кементъ тышат ломаненъ коллективесь эсь резолюциясонзо сермады: „Эрвась минек эйтэ кенярдозь макссынзе эсь сбережениянзо масторонть обороноспособностенэ кемекс-

тамс. Кадык содасызь фашистнэ ды сынст наймитэст, кодамо виев, сплоченной ды монолитной советской народось“.

„Эсь родинанок, сонзэ вождьтненъ ды геройтненъ ине вечкемась, минек народонть врагтнэненъ—подлой предательтненень, трокисттнэненъ покш ненавистесь,—вана мельтне, конат ветить минек эйтэ. Пек покш мельсэ вастано од заемонть нолдамонзо“—евтазь Западной областень Монастырщинской школанъ учительтненъ резолюциясост.

Магнитканъ доменщиктнэ, горняктнэ, прокатчиктнэ, строительтне эсь решениясост энялдыть правительстванть икеле седе курокук нолдамс заемонть. (ТАСС).

Макссывек 3 недлянь доходнок

„СССР-нь оборонанть кемекстамонь“ заемонть нолдамодо железнодорожниктнэнь вешемаст Ардатованъ райононъ Жаренка велень Ленин лемсэ колхозонъ ды колмоце № Манадышка велень „Парижская Коммуна“ колхозонъ колхозниктнэ вастызь покш мельсэ. Сынъ ве мельсэ алтыть максомс эсинек

родной государствантень заем колмо ковонъ доходост ды теньсэ седеяк пек кемекстамс СССР нть обороноспособностенэ, Якстере Армиянтъ виензэ ды колхозной строентъ.

— Вейкеяк колхозник а ули од заемонь облигациявтомо,—прядовить резолюциятне.

С. УРАНОВ

Омбо масторонь разведкатненъ вербовочной роботанъ коварной кой-кона приемтнэде *)

Кода невтизь меельсэ процесстнэ,—трокисттнэ, зиньевецтнэ ды вить отщепенецтнэ—народонъ врагтнэ курокук отвечасть фашистской лагерьстэ эсист азортнэнь тердеманть лангс ды аволь пелеманъ кис, но совестень кис бажастъ роботамо японо-германской фашизманть туртов.

Трокистско-японо-немецкой агентуранть лангсо судось невтизе, што неть рудазов предательтне—трокисттнэ, вредительтне, шпионтнэ, диверсантнэ истямо жо энергия марто вешнест азорт фашистской разведкатненъ ютксо, кода меельсетне вешнест трокисттнэнь эсист агентэкс.

Седе стака вербовамс шпионской роботанъ туртов истят ломанть, конатненъ мезесткак вейсэнь арасть трокистской предательтненъ марто. Икелень честной истямо ломантненъ фашистской разведчиктнэ а нолдтнесыз эсист мельстэ ды, эрва кодамо рудазов

методтнэнь тевс ютавтозь, бажить сынст таргамс эсист шпионской роботазост, тапарить сынст материальной ды, моральной отношениясо, тевс ютавтыть шантажонть ды тандавтнеманть.

Бути шпионсь а муи анок ломанть обижатьтненъ, политически аволь кеметненъ, безвольитненъ, лабордыцятненъ ды асатыкс марто ломантненъ ютксо, сон тешксты эстензэ жертват ды искусствена касты сынст эйсэ сень, мезе сонензэ эрвия,—обижавомат, мельсэ апарат, асатыкст, лиясто жо сынст умышленна компрометирови перькаст ломантненъ сельмест икеле.

Примеркс, улить случайть, зярдо омбо масторонь разведканть ендю облюбованной ломанентъ адресэнзэ коряс кучить антисоветской листовка, мейле парсте ванить, кода карми тень лангс ваномо сонзэ получизаю. Бути сон контрреволюционной листовканть получамодонзо киненьгак эзь епта, эзь епта партийной ды советской ор-

гантнэненъ, натой сезнизе эли пултызе листовканть, сестэ сонензэ а ламо шканъ ютазь моли шпион-вербовщик, тарги эйсэнзэ лия масторонь разведканъ лезэс роботамо. Зярдо гражданинэ истямо предложениянь получамонть лангс кежеявты, грози пачтымо куля властьтненень, шпионсь вербовщикесь хладнокровна тень парирови анти-советской прокламациянь получамонь ды сепоманъ фактсонть, сень лангс невтезь, што те фактонть шожда невтемс почтальнонтъ вельде, кона кандызе серманть ды лият. Роботас васенцеде согласиянь а получамодо мейле, шпионсь а кадды тевензэ. Зярокш шкадо мейле сон таго моли секе жо ломанентень, ней уш тандавти сонзэ сеньсэ, што те гражданинэсь васенцеде эзизе максо сонзэ властьтненень. Шпионсь веши ансяк ала мошка, малав аволь секретной сведеният, конат сонензэ, келя, пек эрвиятне, мери саеме ярмакт, алты неть даннойтненъ получамодо мейле сонензэ а пецемс. Седе тов жо весе моли сермадозь ладсо: васенцеде „кувсолыцясь“ понги тряениас, конанъ эйтэ уш сонензэ, проку уш рудазывтозентень а лисевемс, ды тееви ловкой шпиононтъ кедьсэ някак (куклакс).

Сень кис, штобу седе малавикс-

Чкалов, Байдуков ды Беляков ялгатне састъ Вашингтонов

Вашингтон, 27.6. (ТАСС) Советской Союзонь геройтне Чкалов, Байдуков ды Беляков ялгатне ды США-со СССР-нь полпредэсь Трояновский ялгась теци валске марто Сан Франци косто поездэ састъ Вашингтонов (Американь Соединенной Штаттнэнь столицантень). Вокзалсонть советской летчиктнэнь вастызь ошонъ властьтненъ представительть, советской полпредствань сотрудиакт ды лият. Сазьтне тустъ полпредствав. Чивть омбоце пелевидестэнзэ Вестовер генералось, США-нь армиянтъ авиационной корпусонь начальникесь авиационной корпусонь составонть пельде теить прием летчиктнэнь-геройтненъ честьс. Ванды валске марто советской летчиктнэнь при-масызь Рузвельт президентэсь ды государственной секретаресь Хэлл. Секе жо чистэнтъ советской летчиктнэнь честьс банкет организови „Печатень национальной клубось“. Июньень 28-це чивть омбоце пелевидестэнзэ советской летчиктнэнь честьс прием теить США-нь армиянь штабонъ начальникесь Крейг генералось ды армиянь высшей лия офицертнэ. Июньень 29-це чистэнтъ Чкалов, Байдуков ды Беляков ялгатне молитъ метеорологической бюронтень. Июньень 30-це чистэ советской летчиктнэ кармить улеме почетной инжекс обедсэнтъ, конанъ организовасызь „Исследовательтненъ клубось“ ды „Американско-русской институтось“.

США-нь эрицятне нейгак явить покш мель трансполярной ливтямонь геройтненень. Зярдо летчиктнэ ардыльт Вашингтонов, ламо ломанть Чикагосо вокзалсонть поездэнтъ вастызь цецянъ букетт марто ды летчиктнэненъ тейсть овация. Газеттнэ яла печатать геройтненъ фотографияст.

(Поладксозо 3-це страницасо)

*) Ушодксонзо вант ютазь №-стэ.

Промкстэ анокстэзельтэ беряньстэ

Ромодановань, полной средней школасо комсомольской отчетно-выборной промксонтень анокстэ-мось ульнесь овси лавшо, секскак 13 комсомолецт эзть сакшно промксонтень аволь уважительной причинань коряс. Тесэ чумо сехте пек комсомолонь райкомонь представителесь А. Волков, конась кодамомяк мель эзть путо промксонь анокстамонтень.

Комитетэнь секретаренть Антоновонь И. Д. докладонзо коряс 34 комсомолецтнэнь эйстэ прениясо кортнестэ 15 ломанть, сынъ кеместэ критиковасть комитетэнь роботанзо. Комсомолонь комитетэсь овси аламо мель явсь од ломантнень ютко шкаст ютавтомантень, лавшосто лездась комсомолецтнэнь тонавнемасонтень, секскак Логинов ды Сонин комсомолецтнэ кадовстэ тонавнеме секе 8-це классонтень омбоце нес. Тайной голосованианть коряс

кочказь од комитет 5 комсомолецтэ.

Нетъ читнестэ ульнесь отчетно-выборной промкс райисполкомонь комсомольской организациясонть. Тесэ сехте ламо комсомолецтнэ пек кеместэ критиковасть комитетэнь роботанзо ды комитетэнь секретаренть Широковонь отчетной докладонзо. Кокин парторгось мерсь, што отчетной докладось теезь овси лавшосто, коськстэ, эзинзе тарга лангс организациясонть весе асатыкстнэнь.

Комитетэсь малав кодамомяк робота эзь ветя аволь союзной од ломантнень ютксо. 7 ковт роботанть перть комсомолс примазельтэ аняк 3 од ломанть. Политико-воспитательной роботакияк эзь ветя, секскак райцентрань од ломантне (Нестерова) якасть сектаитской организацияс.

Промксось кочкась од комитет.

Вл. Ананьин.

— 000 —

Комитетэнь секретартнень ды комсоргтнэнь совещаниясто

Июнень 27-це чистэ, чокшнэ ВКП(б)-нь Саранск ошонь комитетэнь секретаренть Заккит ялганть кабинетсэ ульнесь ВЛКСМ-нь ошонь комитетэнь секретартнень ды комсоргтнэнь совещания. Те совещаниясонть ульнесь ваннозь отчетно-выборной промкстэнь анокстамодонть вопросось. Теде башка, ловозь весе сечь ильведкстнэ, конатнень теизь отчетно-кочкамонь промкстэнь ютавтомасонтень школьной комсомольской организациятнэсь.

Прениясо кортнематнень эйстэ неяви, што комсомолонь ошонь малав весе организациятне овси беряньстэ анокстэть отчетно-кочкамонь промкстэнь. Вана котонинной фабрикань комсомольской организациясонть анокстамонть коряс тейстэ план, комитетэнь члентнэнь тень коряс макстнестэ порученият, но конкретна анокста-

монтэ коряс зярс эщо мезеяк эзть тее. Истямо жо положениясо ашти артскладонь первичной организацияськак.

Заккит ялгась эсинзе валсонзо тешкстась, што школьной комсомольской организациятнень эйсэ отчетно-кочкамонь промкстэнь эйсэ сехте ламо мель явсть закрытой (тайной) голосованианть, но овся эзть яво мель промкстэнь политической пшти енксонть секскак голосованианть техниканть атак колсе эряви васень таркас аравтомс сень, штобу промкстэнь ютавольтэ политической покш заостренность марто, штобу нетъ промкстэсь таргамс лангс организациятнэсь весе асатыкстнэнь, маштомс беспечностенть ды юрнэктаргсемс троцкистской вырокатнень, конат эцнестэ комсомольской организациятнэс.

ОМБО МАСТОРОНЬ РАЗВЕДКАТНЕНЬ ВЕРБОВОЧНОЙ РОБОТАНЬ КОВАРНОЙ КОЙ-КОНА ПРИЕМТНЭДЕ (ПОЛАДКСОЗО)

прямой, вадрясто пандовица службас. Аволь весень ульнесь сатышка мужеством истямо положениясто честнасто лисемань туртов. Тень ютавтизьяк тевс шпионтнэ ды велявнестэ эсист бессознательной ды беспечной жертванть эсинзе родинань изменникес ды предателекс.

Тевсэ жо эрва честной советской гражданинэнь улить весе возможностензэ панемс эсь эйстэнзэ шпионской рудазов попользованиятнень, менемс сонзэ тапарипя чанжавонь коцтонть эйстэ ды теэмс лезэ эсинзэ родинанть, мелень мольстезь педия шпионтнэнь лангс таргазь. Тень кис эряви аняк чаркодемс, што ильведксэнъ ды проступкань, натой покш преступлениань, коть кодамо волдамось, бути сынст видькстамс, а сепомс, евамс советской властень органднэнь, ашти седе вишка чумокс родинань врагонть марто секретной сговоронть ды шпионской заданиятнень топавтоманть коряс. Эряви свал кирдемс мельсэ, што ломаненть, кона стясь лия масторонь разведканть марто сго-

воронь ки лангс, зярдояк уш арась олязо эсь лангсонзо, аламонь-аламонь, невинной поручениятнень эйстэ ушодозь, сонзэ икелеяк кармавтыть улеме шпионнокс, мейле жо вешить, штобу сон атак кортне топавтоволь диверсият ды террористической актт. Саты аняк максомс шпионнэнь сур, кода сон педепес сайсы жертванзо эсь кедезинзэ ды икелень честной ломаненть эйстэ теи предатель ды маштнэця.

Истя, примеркс ульнесь од инженерэнть Строиловонь марто, кона судязь шпионтнэнь-троцкистнэнь меельсэ процессэнь коряс. Те ломанентень воспитания макссь советской властэсь, тонавтызе, теизе специалистэкс. Шпионтнэнь кедьс повгомадо мейле, сон аламонь аламонь велявтсь родинань предателекс, вредителекс ды диверсантокс. Икелеяк Строиловнэнь, кода ульнесь сон командировкасо Германиясо, немецкой шпионтнэ макссть ловномс Троцкоень книгазсо, мейле кармасть каваньямо контрреволюционной лия литературасо, прыдызь жо сеньсэ, што кармасть сонзэ шантажировамо, грозясть евамс сонзэ кувалт советской властэнь, истя жо тевс ютавтызь истямо мотивенть, што немецкой шпионоть Бергенъ кондымо типтнэнь марто Строиловонь сонсь

сюлмавомасть уш сонзэ сатышкасто компрометирови. Строилов сень таркас, штобу честнасто таргамс лангс немецкой шпионтнэнь нетъ махинацияст ды теньсэ идемс эсь прызо сынст преследованияст эйстэ, ловизе седе парокс кашт молемс эсинзэ проступкатнеде ды сонзэ кувалт советской властэнь а евамодо алтамонть кис макссь немецкой разведканть сынент эрвякс сведениятнэнь макс немазь алтамо марто расписка, ды, истя, целанек, сюлонек-пекенек понгсь гестапонь кедьс-коморс. Зярко Строилов велявтсь родинав, сонзэ уш эзизь кадно покойсь ды кармавтызь ветямо вредительства ды диверсият. Истя гестапось тейсь сэдъ шпионоть Строиловонь ды Кузбассо троцкистской агенттнэнь ютксо. Но теке марто весенень чаркодеви, што Строилов мог аволь аняк ютамс предателень-шпионоть ды диверсантонь эсинзэ презренной судьбанзо вакса, но мог, гестапонь агенттнэнь подлой интригаст шкастонзо лангс ливтезь, теэмс лезэ эсинзэ родинанть ды кадовомс сонзэ верной церакс.

Бути минек советской территориисонть шпионтнэнь савкшны провалдо ды минек советской ды партийной общественностенть ды НКВД-нь органднэнь ендэ лангс

ливтемадо пелезь роботамс покш осмотрительность марто, то эсист фашистской родинасонть, тов молия советской гражданднэнь коряс, сынъ ветить эсь прыст циничнойстэ ды кеместэ. Уш Польшань эли Германиянь территорияванть ютамсто поездтнэсь озавтнить советской гражданднэнь вейсэ молицят, конат эрва кода бажить содамс вагонсонть ардыцятнень, ды, эрва кодамо тувталонь коряс, таргамс сынст эсист сетезэст.

Ламо случайтне, конат саезь эрямосто, невтить, кода бдительнойкс должны улемс минек инженертнэ, хозяйственниктнэ ды лия ломантне, конат тевень кувалт молить границань томбалев, сень кис, штобу а понгомс лия масторонь шпионажонть ловкойстэ аравтнэсь сетезэст.

Советской кодамо бути работник "Л", границань томбалев молемдо мейле решась тонавнемс лия масторонь кель. Макссь газетасо яволявтома, што вешни тонавтыця.

(Поладксозэ сы №-тнэсэ).

148



Пелеве ено полюсов Советской экспедициясь

Дрейфующей эй лангсо Пелеве ено полюсонь зимовщиктнэнь палаткаст.

(Союзфото).

Кочкамотне кепедизь комсомолецтнэнь активностест

„Большевик“ колхозонь комсомольской первичной организациясонть отчетно-кочкамонь промксось ютась июнень 17-це чистэ. Эряви меремс, што кочкамотне кепедизь комсомолецтнэнь активностест. Те неяви севьстэ, што комитетэнь секретаренть отчетной докладонзо коряс 9 комсомолецтнэнь эйстэ кортасть 6 комсомолецт. Ермайкин комсомолецэсь тешкстась, што комитетэнь секретаресь Кудашкин ялгась овси бе-

ряньстэ ветясь комсомолецтнэнь ды аволь союзной од ломантнень ютксо политико-воспитательной роботанть.

Промксось примась конкретной зяряя предложеният организациянть роботанзо вадрялгавтоманть коряс.

Закрытой (тайной) голосованианть коряс комитетэнь секретарекс кочказь Юканкин ялгась.

Пронькин П.

— 000 —

Бунина каязь комитетэнь секретарьстэ

Ладской райононь Резоватовской полной средней школасо мольсть испытаният. Ульнесь рузонь келенть коряс диктовка. Тесэ ульнесь таргазь лангс, што комсомольской комитетэнь секретаресь Бунина содасы диктовкань текстэнь ды сермады седе икеле уш добувазь текстэнь коряс. Те

диктовкась ульнесь полавтозь, но Бунина эзь витькста эсинзэ аволь комсомольской поступкасозэ.

Комсомолонь вейсэнь промкссо Бунинань тень кисэ каизь комитетэнь секретарекс роботастонть. Комитетэнь секретарекс кочказь Просвирнина А. М. ялгась.

Семенова Н.

